

第十屆中國古代文學理論國際學術研討

會於桂林召開，幸獲見邀，遂有桂林之行。十年前嘗赴桂一遊，故地重臨，倍感親切。大會期間，得從學林諸賢遊，相與切磋砥礪，廣張聞見，誠獲益匪淺。大會又安排乘間考察桂林文物古跡，因得遨遊於佳山水之間，舉凡七星巖之瑰奇，象鼻山之清幽，莫不得以一一親歷。至若漓江上一天雲水，群峰競秀，尤令人難以忘懷。以此益信宗炳質有趣靈之說為知言者也。勝會躬逢，佳人難遇，因有八句之作，以紀一時之盛。

勝會難常遇，重遊客桂林。
論文開耳目，問學廓胸襟。
搜怪穿巖窟，清心上碧岑。
灑江煙水旅，歷歷記於今。

劉衛林

桂林古代文論盛會

劉衛林

庚辰發歲敬謝王甦教授

綴玉聯珠妙入神
文章高步復何人
風流宇內凌雲筆
更寫人間萬象新

王教授善以姓名入聯